



Agoizko Udala
Ayuntamiento de Aoiz
Nueva, 22
31430 Aoiz-Navarra



Euskara Arloa
Área de Euskara
Karrika Berria, 22
31430 Agoitz-Nafarroa
Tel: 948 33 65 65
euskara@aezkoa.net

EUSKARAREN NORMALIZAZIOAREN ARLOAN LAN EGITEN DUTEN ENTITATEENTZAKO DIRULAGUNTZEN DEIALDIA

Agoizko Udalak, Euskara Arloaren bidez, euskararen normalizazioaren arloan lan egiten duten entitateentzako 2016eko jardunaldi ekonomikoko dirulaguntzak eskatzeko deialdia egiten du. Honakoak dira.

BALDINTZAK

Lehenengoa.- Deialdiaren xedea.

- 1.1. Deialdi honen xedea da euskararen normalizazioaren alorrean Agoitzen lan egiten duten entitate horiek aktibitatea laguntzea eta sustatzea.
- 1.2. Dirulaguntza hauek 2016ko jardunaldi ekonomikoko **1 121 48201**, Euskara sustatzeko dirulaguntzak, kontu-sailaren kargura joanen dira. Horretarako **1.600** € aurrekontua dago.

Bigarrena.- Entitate jasotzaileak.

- 2.1. Dirulaguntza hauek eskatu ahalko dute Agoitzen jarduten duten entitateek horiek, beren entitatearen estatutuetan euskararen sustapena eta normalizazioa jasota baldin badute (helduen irakaskuntza, euskara taldeak...). Horretarako, ordaindu beharreko zergak ordainduta izatea (Udalarenak eta Nafarroako Ogasunarenak), baita Gizarte Segurantzaren kuotak ere,

Hirugarrena.- Diruz laguntzen diren kontzeptuak.

- Entitatearen funtzionamendu gastuak. Funtzionamendu gastutzat hartuko dira elkarteak bere ohiko jarduerarako beharrezko dituenak: material suntsikorra, web orrialdearen domeinuaren mantentamendua, federazioaren kuota...
- Agoitzen eginiko aktibitateen gastuak. Entitateak Agoitzen antolatu eta garatutako aktibitateeta eta programengatik sortutakoak dira: kontratazioak, kolaborazioak, egile edo erakusketa eskubideak, publizitatea...
- Euskara ikasketa edo erabilpena sustatzeko kanpainak.
- Egoera soziolinguistikoa ezagutzeko ikerketak.
- Argitalpenak.
- Entitatearen jarduera esparruarekin lotutako formakuntza ikastaroak.
- Euskararen normalizaziorako interesgarri izan daitezkeenak
- Inbertsioak. Elkartearen aktibitateerako beharrezkoa den ekipamendua eskuratzeak sortutako gastuak.

Laugarrena.- Eskaerak aurkezteko epea eta lekua.

- 4.1. Eskaerak Udaletxeko Euskara Zerbitzuan aurkeztu ahalko dira 2016ko **apirilaren 29ko** 13:00ak arte. Epea luzaezina izanen da.
- 4.2. Aurkeztutako eskariak deialdi honetan ezarritako eta zehaztutako baldintza eta dokumentu guztiak izango ez balitu, hamar eguneko epea (luzaezina) emanen zaio eskatzaileari hori zuzentzeko. Epe hori amaituta eskatutakoa egin ezean, eskaera deuseztatuko da, eta, horretarako, alde zuzenetik Herri Administrazioen Araubide Juridikoaren eta Administrazio Prozedura Erkidearen Legeak, 71. artikuluean oinarritutako ebazpena emanen da.

Bosgarrena.- Aurkeztu beharreko agiriak

- Dirulaguntza eskaria. Eredua Euskara Zerbitzuan eskatu edo/eta bete ahalko da.
- Aktibitateengatik/egitasmoengatik dirulaguntza jasotzeko eskaera egiteko fitxak. Bertan laburki adieraziko da aktibitatea edo egitasmoa zertan dantzan.
- Nafarroako Ogasunaren eta Gizarte Segurantzaren zergekin eta betebeharrak ekonomikoekin entitatea egunean dagoela dioten agiriak.

Seigarrena.- Dirulaguntzen zenbatekoa eta beste dirulaguntzekiko bateragarritasuna.

- 6.1. Entitateek gehienez ere aktibitate edo programen kostuaren %70 jaso ahalko dute, 2016. urterako adierazitako **1.600 €** horiek agortu arte, aurkeztutako eskari guztien artean banatuko dena.
- 6.2. Udalak ematen duen dirulaguntza bateragarria izanen da Foru Komunitateko administrazioak, beste administrazio batzuek, entitate publiko edo pribatuek edo partikularrek eman ahalko dituzten dirulaguntzekin. Jakinaraziko dira horietatik jasotako diru-sarrerak eta horien zenbatekoak ezingo du gairadunak dirulaguntzaren xedea den garatutako aktibitatearen kostua (bakarrik izanda edo beste dirulaguntza, sarrera edo baliabide propio guztiak kontuan hartuta).

Zazpigarrena.- Eskariak aztertu eta ebaztea.

- 7.1. Aurkeztutako eskari guztiak Euskara Arloak aztertuko ditu. Horrek ofizioz bideratuko ditu ebazpen proposamena egiteko beharrezko dituen datuak zehaztu eta egiaztatzeko bidezko ikusten dituen eginbideak.
- 7.2. Diru-laguntza Alkatearen ebazpenaren bidez emanen da.

Zortzigarrena.- Ebazpena emateko epea.

- 8.1. Ebazpena hilabete bateko epean eman da, dirulaguntza eskatzeko epea bukatu eta hurrengo egunetik hasita.

Bederatzigarrena.- Jakinarazpena.

- 9.1. Dirulaguntzaren ebazpena jakinaraziko zaio eskatzaileari 30/1992 Legeak, azaroaren 26koa, Herri Administrazioen Araubide Juridikoaren eta Administrazio Prozedura Erkidearena, 58. eta 59. artikuluetan ezarritakoari jarraikiz.
- 9.2. Dirulaguntzaren ebazpena eskatzaile guztiei helaraziko zaie. Bertan espresuki adieraziko da zein den deialdia, programa eta horretarako dagoen aurrekontu-kreditua, hala nola jasotzailea, emandako kopurua

eta dirulaguntzaren xedea, eta Udaletzeko iragarki oholean argitara emanen da.

- 9.3. Ebazpenaren kontra, bide administratiboa itxiko duena, errekurtsio hauetakoren bat jarri ahalko da aukeran:
- a. Administrazioarekiko Auzi-errekurtsioa, Nafarroako Administrazioarekiko Auzien eskumeneko organo eskudunari zuzendua, ebazpena jakinarazi eta biharamunetik bi hilabeteko epean.
 - b. Gora Jotzeko Errekurtsioa, Nafarroako Administrazio Auzitegiari zuzendua, ebazpena jakinarazi eta ondoko hilabetean.
 - c. Berraztertze Errekurtsioa, egintza ebatzi duen organoari zuzendua, erabakia jakinarazi eta hilabeteko epean.

Hamargarrena.- Dirulaguntzen ordainketa.

- 10.1. Emandako kopurua dirulaguntzen ebazpena eman eta hilabete bateko epean ordainduko da.